

BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJE BOSNE I HERCEGOVINE
Broj: 04/1-19-546/09
Sarajevo, 20.11.2009.godine

Temeljem članka 12. i 13. Zakona o Komisiji za vrijednosne papire («Službene novine Federacije BiH», br. 39/98, 36/99 i 33/04), te članka 35. toč. b) i c) Zakona o preuzimanju dioničkih društava («Službene novine Federacije BiH», br. 7/06), Komisija za vrijednosne papire Federacije Bosne i Hercegovine na 263-oj sjednici, održanoj dana 20.11.2009. godine, donosi

R J E Š E N J E

1. UTVRĐUJE SE obveza provedbe tendera za preuzimanje društva Gradski i prigradski saobraćaj dd Tuzla, društvu Soni Lux doo Tuzla i društvu Samn doo Tuzla.
2. ODREĐUJE SE ZABRANA stjecanja dionica društva Gradski i prigradski saobraćaj dd Tuzla, društvima „Soni lux“ i „Samn“ te osobama snjima u zajedničkom djelovanju, i to: Suljkić Nijaz, Suljkić Nusret, Sead Ruščuklić, Nenad Lukanović i Mirsad Jusufović, osim stjecanja tih dionica putem tender ponude na način propisan odredbama Zakona o preuzimanju dioničkih društava.
3. ODREĐUJE SE vrijeme zabrane, i to: do izvršenja obveze utvrđene ovim rješenjem.
4. Registar vrijednosnih papira u Federaciji BiH će izvršiti provedbu zabrane iz ovoga rješenja.
5. Rješenje stupa na snagu danom donošenja.

O b r a z l o ž e n j e

Uvidom u podatke kojima raspolaže Komisija, utvrđeno je da je Komisija za vrijednosne papire rješenjem br. 04/2-19-186/05 od 9.05.2005. godine, odobrila preuzimanje društva Gradski i prigradski saobraćaj dd Tuzla (skraćeni naziv: GIPS dd Tuzla) društvu Soni lux doo Tuzla i osobama u zajedničkom djelovanju, i to: Nijaz Suljkić, Nusret Softić, Sead Ruščuklić, Nenad Lukanović i Mirsad Jusufović. Ukupan broj dionica koje su prednje osobe imale u momentu odobravanja tendera je iznosio 57.384 ili 54,66 % redovnih (običnih) dionica. Provedbom tender ponude stečeno je 8.422 ili 8,02% dionica, tako da je ukupan iznos dionica osoba u zajedničkom djelovanju, po provedbi tendera, iznosio 62,68 % dionica toga društva.

Vezano za preuzimanje društva Gradski i prigradski saobraćaj dd Tuzla, proveden je izvanredni nadzor (u 9-om mjesecu 2009. godine) u kojemu je utvrđeno da je društvo Soni lux, nakon provedenog i naprijed navedenog tendera, nastavilo sa sjecateljem dionica u 2006. godini. Stjecanje je vršeno, putem Sarajevske berze-burze, na slijedeće dane 14.02.2006. (kol. 56 dionica), 20.06.2006. (kol. 56), 21.06.2006. (kol. 27), 27.06.2006. (kol. 28), 18.07.2006. (kol. 50), 10.08.2006. (kol. 99), 17.10.2006 (kol.5). Nadalje je, u nadzoru, utvrđeno da je stjecanje dionica društva GIPS dd Tuzla u 2008. i 2009. godini vršeno od strane društva Samn doo Tuzla i da je osnivačem društva „Samn“ društvo „Soni lux“. Stjecanje dionica od strane društva Samn, putem Sarajevske berze-burze je vršeno na dane: 3.10.2008. god. (kol. 1120 dionica), 12.11.2008. god. (kol. 865), 20.01.2009. god.(kol. 99), 04.02.2009. god. (kol. 141) i 11.02.2009. god. (kol. 250).

Imajući u vidu činjenicu da je po prvom tenderu za preuzimanje društva GIPS kupljeno 62,68 % dionica društva, dakle manje od 2/3 dionica društva, koji iznos je utvrđen čl. 4. st. (4) Zakona o preuzimanju, te da se, nakon provedenog i stečenog navedenog iznosa, nastavilo sa stjecanjem dionica društva GIPS od strane osoba „Soni lux“ i „Samn“ čije zajedničko djelovanje je utvrđeno po osnovu čl. 8. st. (1) tč. b) i st. (2) tč. a) i c) Zakona o preuzimanju, to je Komisija donijela odluku kao u dispozitivu.

Pravna pouka:

Ovo rješenje je konačno i protiv njega nije dopuštena žalba, ali se može pokrenuti upravni spor. Upravni spor se pokreće tužbom kod Kantonalnog suda u Sarajevu u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prijepisu.

Predsjednik
Komisije za vrijednosne papire
Federacije Bosne i Hercegovine

mr Hasan Čelam

Dostavljeno:

- SONI LUX» d.o.o. Tuzla, Kulina Bana br. 8.;
- Samn doo Tuzla, Nikole Tesle bb, Tuzla,
- Nijaz Suljkić, Stupine B-9., Tuzla;
- Nusret Softić iz Tuzle, Stupine B-9;
- Sead Ruščuklić iz Tuzle, 18 hrvatske brigade 80.;
- Nenad Lukanović, Donji Bistarac bb, Lukavac;
- Mirsad Jusufović, V.Lukića A-2, Lukavac;
- Gradski i prigradski saobraćaj dd Tuzla, Bukunje bb,
- Registar vrijednosnih papira u Federaciji BiH,
- spis predmeta,
- a/a.